

9
DISQUISITIO MEDICA
INAUGURALIS

DE

CYNANCHE STRIDULA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S. S. T. P.

ACADEMIÆ EDINBURGENÆ PRÆFECTI

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ Decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

THOMAS CRAWFORD,

BRITANNUS.

Phys.-Med. Soc. Edin. Sod.

Ad diem 12 Septembris, hora locoque solitis.

EDINBURGI:

Apud BALFOUR, AULD, et SMELLIE,

Academiae Typographos.

M, DCC, LXXI.

Viro praeclaro

JOANNI ELIOT, M. D.

Apud LONDINENSES,

Summo cum civium commodo,

Suaque gloria,


Medicinam probe exercenti,

Haec calami juvenilis prima conamina,

Ob beneficia in se suosque collata,

Dicata volebat

THOMAS CRAWFORD.



Digitized by the Internet Archive
in 2019 with funding from
Wellcome Library

<https://archive.org/details/b30789217>

DISQUISITIO MEDICA

I N A U G U R A L I S,

D E

CYNANCHE STRIDULA.

HUJUS dissertationis argumentum seligo, neutiquam gloriola persuasus, quidquam me aliis profuturum; attamen haud parvi esse existimo, quamvis non datur alios edocere, si hanc rem accuratius evolvendo lucrum nobismetipsis fecerimus; praesertim cum ii, qui de morbo scripserunt, de quo verba facere volui, haud multi sunt; morbus vero peritissimis insidias instruit; et, quoniam in solo meo nativo quam maxime grassatur, hoc per se valet, ut ad hanc rem omni studio incumberem; “ cari enim sunt parentes, cari liberi, propinqui, familiares.” Morbus, de quo tractaturus sum,

A

vulgo

2 DE CYNANCHE STRIDULA.

vulgo per vocabalum *Croup* cognoscitur; et nuperrime depictus fuit Dr Millar, sub nomine *Asthmatis Infantum*; et Dr Home *suffocationis stridulae*.

HAUD mirandum foret, si paululum ab communi ordine divertam, et comperindinata sit hujus morbi definitio, donec facta et historia morbi relata fuerunt; ex his enim depromenda est definitio, et per haec tantum, locum, quem obtinet morbus in Nosologia, statuere queamus. Hoc vero inter medicos adhuc disceptatur; fortasse lux quaedam afferenda est ex analogia aliorum affectuum, haud multum dissimilium, et jam, ne diutius moremur, faciem morbi, sicuti plerumque se monstrat, depingere conabimur.

H I S T O R I A.

SECUNDUM auctoritatem, quae accepta fuit, aggreditur tunc praecipue morbus, quum frigus, et anni tempestates uvidae adsint, quo tempore catarrhi, tussis, et anginae, maxime grassantur, et in humillimis humidisque locis, littora quoque prope maritima: Cui-
dam

dam aetati ferme proprius esse videtur morbus, post ablactationem, aetatem tenellam, et raro post annum decimum vel duodecimum, invadens. Accessus ejus est per saepe tam subitus, ut infans vesperi facie externa sanus, ante summum mane in maximo periculo versatus erit. Ut plurimum adoritur cum respiratione difficili, mox citata; facie subrubra; nonnunquam una cum tussi miti; non semper vero comitatur tussis, et, quando adest, plerumque est ficca, clangosa, atque rauca aliquando: Vox stridet, aliquantulum galli cantum referens, quod evenit sub inspiratione; non semper tamen patet hoc symptoma in exordio morbi, nisi dum vagiat, vel voce intensiore loquatur miserrimus aeger, vel alio quoviscunque modo musculorum laryngis actionem augeat: Quando aeger ea est aetate, ut querimonias edat, modum quo tentatur designantes, plerumque de dolore obtuso tracheae arteriae partem afficienti superiorem queritur; et subinde externe tument fauces, amygdalaeque inventae fuerunt tumidae; urina limpida; alvus plerumque adstricta, et cutis arida, simulque oedema afficit manus atque pedes, raro autem; et idem de vomitus

4 DE CYNANCHE STRIDULA.

tus molimine dicendum est. Sitis adest, et pulsus citatior, solitoque fortior; postea autem fit debilior, sed velocior et vacillans. Si morbus ultra diem tertium quartum, vel quintum, vel diutius pertendit, materies purulenta muco commista expuitur, et aliquando membrana tenax faciem tracheae internam conservans: Urina jam sedimentum deponit furfuraceum: Lingua alba est, et crusta nonnunquam cooperitur: Citatior devenit respiratio, eodemque tempore difficilior; et, dum peragitur inspiratio, affurgunt humeri; inquietus valde, animoque demisso, opprimitur aeger; facies colore livido; mens adhuc sana; parvae vel nullae eduntur querelae, et brevi ante mortem edulia deglutiuntur aliquando; e vita plerumque demigrat infans, die tertio, quarto, vel quinto: Morbus veruntamen saepius evadit lethalis intempestive, vel in primo aggressu.

UT absolutior sit morbi historia, cadaverum extispicia adjungenda sunt; et hic eluxerunt cura atque diligentia sagax Cel. Homii, qui novem et unicas sectiones, quae captae fuerunt, tradidit.

DE CYNANCHE STRIDULA. 5

CADAVERUM EXTISPICIA.—Aspera arteria referata, imprimis conspicitur membrana alba, crassa, tenax, atque tubularis, quae facile a partibus circumpositis sejungi potest, ob materiem mucosam atque purulentam illam inter et tracheam positam : Illius partem inferiorem versus pedetentim nimis firmé asperae arteriae agglutinatur, et fit tenerior ; ubi vero definit, trachea muco purulento obducitur, qui maxima ex parte scatet vel in pulmonum bronchiis, et vesiculis aeriis, quae haud raro omnino opplentur : Haec membrana nunc majori nunc minori est longitudine, et tanta tenacitate saepenumero gaudet, ut macerari in aqua per plures dies patitur, et neutiquam dissolvitur : Ex novem casibus Cl. Homio memoratis, in septem inflammationis symptomata in propatulo veniebant, membrana praeternaturali sublatam ; et nobis forsitan licitum sit ex illis, quae in alteris duobus casibus *, apparuerunt, concludere, inflammationem praeeivisse : In quinto enim glandulae apud linguae radicem se praebuerunt turgidae, et amygdalae solito grandiores erant. Pars interna atque posterior tracheae cum membra-

na

* Vid. cas. 5. et 8.

6 DE CYNANCHE STRIDULA.

na semiformi obtegebatur, et materies puriformis inter illam et membranam tracheae extabat; et, cum deorsum indagatio facta esset, major materiei purulentae copia detegebatur: Pulmones tamen illaesi se commonstrabant. In casu octavo, membrana omnibus numeris tubularis deprehenditur, a glottide per tres pollices deorsum descendens, nec cum trachea conglutinata, et tracheae tunicae integrae, nec exulceratae, videbantur, illaesis simul pulmonibus. Vesiculae vero sinistri pulmonis flavo et spisso pure plenae erant, quod in aquam conjectum fundum petebat. Invenitur porro nonnunquam gangraena. His confectis, ex morbi symptomatis jam recensitis, et phaenomenis propalam sectione collocatis, quaedam observatu veniunt, ad morbi ingenium spectantia, et ex quibus *definitio* conflanda est.

SUNT qui contenderunt, hunc morbum vel in principio totum asthmaticum esse, et phlogosin sequelam duntaxat spasmii. Praeceptor vero noster Homius verosimilius forsitan inflammatorium esse arguit: Ab re minime foret anni tempestatem notare, in qua praesertim aggreditur, frigidam esse; frigus autem vix morbis spasmodicis amicum existimandum

DE CYNANCHE STRIDULA. 7

dum est; e contrario, hi in regionibus calidis, calidisque temporibus, saepius occurrunt; vel, si ex genere spasmodico esset suffocatio stridula *, certe remissiones majores evenirent: Alterum argumentum afferri potest ex corio pleuritico, quod in superficiem sanguinis nonnunquam se effert; huic tamen multum confidere nolui; res enim ejusmodi sunt fallacissimae. Dr Millar judicium suum confirmare tentat per methodum suam medendi, et nequam equidem tale aspernendum est ratio cinium; veruntamen haud tanti habendum est, ut exinde de natura morbi decernere omnino debemus; nam antispasmodica, talia sunt moschus et assafoetida, aliter prodesse potuerunt, quam spasmus vi quadam propria solvendo, sudorem nempe alliciendo, vel alvum subducendo, quietem aegro conciliando, et sic motus musculorum laryngis contiguarumque partium imminuendo, quae ex levissima causa jam motum concipiunt abnormem, morbum atrociorem reddentem; probabile videtur haec medicamenta ita potius proficua esse, quam ex quadam vi spasmus solvendi; et ea medicamina cum maximo fructu certe adhiberi

* Home on the croup, p. 37.

8 DE CYNANCHE STRIDULA.

hiberi possunt; quoniam aliter vix censendum est, quin levis inflammatio partibus glottidi vicinis insidens in systematis infantum irritabilibus, paroxysmos asthmatis suffocativi validos facile excitare potuisset: Restat adhuc alterum argumentum, quod comprobatum venit, hunc morbum inflammatorium esse, nempe membranae tracheam arteriam investientes; nam illae in cavis corporis post phlogoses, maxime pectoris, pleuram, externamque faciem pulmonum cooperientes, inventae fuerunt, et in omnibus partibus, ubi istae dantur conditiones, conformationi illarum faventes. Haud mucro forte concrefcenti has membranulas relegare liceat; membranarum enim superficies, ubi nullae glandulae collocantur, velant; quapropter haud necesse erit mucro patrocinari: Oriuntur * potius ex lymphâ coagulabili per ora vasorum exhalantium exudanti; cur haec lymphâ non penitus in pus convertatur, pendet fortasse ex parva feri copia commisti: Porro, morbum adesse posse, absque hac membrana haud improbabile

* Vid. Morgagni Ep. 16. 20. 21. Haller. Elem. Physiol. Tom. 2. p. 128. et De Haen, Cleghornium, aliosque.

probabile videtur, quamvis saepius offenditur; amicus meus, et in re medica nulli secundus, Dr Austin, mihi praebeuit casum, in quo, cadavere lustrato, nusquam deprehendebatur membrana; trachea tamen inflammationis signa prae se tulit: Has ob causas membrana haecce minime causa, quasi effectum potius morbi censenda est; si enim morbi causa esset, semper eam offendi oportet; referuntur autem strangulationis stridulae complures historiae, in quibus sanitatem recuperabant infantes, quando nulla membrana exspuita fuisset, et vix constat clarum, vocem stridulam ex membrana pendere. Occurrit enim, tametsi in hoc morbo quasi pathognomonica ducta fuit, aliis in affectibus laryngis et tracheae arteriae, sicut in cynanche tracheali vel laryngea, cujus protulit exemplum * Cl. Eller, in quo ex improvise e vita abreptus fuit aeger, postquam convalescere visus erat: Secto cadavere, pars tracheae superior inflammabatur; “ interior autem erat rubedo in laryngis musculis, et membranis, praecipue in illis quae cricoideam obtegebant, sed major inflammatorii tumoris apparebat in binis arytenoidaeis cartilaginibus,

B

epi-

* Vid. Eller, p. 174.

epiglottide." &c. Opponat nonnullus fortasse, quod in strangulatione stridula trachea, larynx. &c. non semper inflammatae deprehenduntur: Difficile vero est tale affirmare, quandoquidem, ob colorem musculorum naturalem, vix pro certo dicendum est illos inflammatione haud tangi, et potissimum, quando afficiuntur partes contiguae; haud nihilominus denegandum puto, quodvis obstruens asperam arteriam potuisse idem edere effectum: At in ambiguo restat, an hoc magis efficit aeris iter angustando, an laryngis musculos stimulando, actionemque illorum intensiorem reddendo: Porro, vix concipiendum est, quidquam in quavis asperae arteriae portione potuisse infixum ibi manere, nec inflammationem excitare, quae plus minus tracheam angustiores reddere queat; sed eodem tempore glottidis et laryngis musculorum tensionem intenderet; et quoniam sic maxime valent in vocem tonosque illius modulando, actione illorum aucta, vel ex propria affectione, vel ex consensu trachea patienti, hoc forsitan causa maxima est soni singularis, qui evenit dum respiratur. Sed, ut illuc redeamus unde divertimus, ex analogia aliarum tracheae affectionum, ut in catarrho

catarrho suffocativo, ubi vox valde a solita aliena est, strangulationem stridulam speciem tanquam cynanches ducere suademur; et maxime quoniam sic censere videtur Praeceptor noster Cullenus, cujus auctoritas sola satis esset, ut hic morbus inter inflammatorios conscriberetur.

His obiter perstrictis, proxime tentanda est definitio, illa symptomata morbum maxime ab aliis discriminantia segregando. Et, ut ordine exordiamur: Stabilire jamjam enixi fuimus, ex familia inflammatoriorum morbum nostrum esse; indeque ad classem Pyrexiarum relegandus est, cujus characterem asciscam *: “Post horrorem, pulsus frequens, calor auctus, viribus artuum imminutis;” et quoniam morbus tantum topicus est, inter Phlegmasias, quae ordinem secundum classis pyrexiarum constituunt, inferam. Praestabit forsitan phlegmasiarum etiam praedici characterem: “Pyrexia cum phlegmone vel dolore topico, simul laesa partis internae functione: Sanguis missus, et jam concretus, superficiem coriaceam albam ostendens.” Classe morbique ordine detectis, symptomata, quibus maxime stipatur
mor-

* Vid. synop. nosolog. Culleni.

morbus, nunc feligenda sunt. Quibusdam placuit vox stridula, tanquam diagnosticon, vel sonus quem nonnulli galli cantui assimularunt, sub inspiratione obtinens; idem vero fere obtinet in pertussi, et in tracheae inflammationibus; exinde ambigitur: Sed in cynanche stridula plerumque absque intermissione perdurat, et cum ingravescat morbus, intenditur; morbum praeterea comitantur respiratio difficilis, vox rauca, cum tussis clangosa. Dum autem de definitione hujus speciei cynanches in dubio haerebam, a Praeceptore meo charissimo Culleno unam accepi, cui grates summas, et ob hoc, aliaque beneficia a me accepta, habeo, atque memor habebo; ecce dein definitionem Cullenianam:

“PYREXIA; respiratio difficilis, inspiratio strepens, vox rauca, tussis clangosa.”

NONNULLIS visum fuit cynanchen illam stridentem novum esse morbum, Scotiaeque proprium, cujus regionis quaedam loca sunt ubi crebro infestat, sicuti prope littora *Fife, Ayrshire, et Galloway*. et saevissime in locis *Pertb-shire* orientalibus, et in illa planitie vulgo nominata *Carse of Gowrie* praecipue, quae juxta flumen Tayium late extenditur. Haec planities

nities vero nuper deficcata fuit, et rarius occurritur morbus. Ex sequentibus tamen fortasse elucebit, morbum nec novum esse, nec cuivis regioni proprium: Nam extat in Nov. Act. Nat. Curios. morbi narratio, quae penitus ferme consentanea cum strangulatione stridula est; hanc nobis optimus Cullenus, dum publice lectiones academicas proferebat, indicabat. Ut dilucidior sit oratio nostra, historiam illam exscribam *. “ Infantes duorum, trium, quinque, et plurium annorum, primis hujus anni, 1758, mensibus, aut coryza vulgari, aut tonsillarum et uvulae tumore correpti, et difficulter deglutientes, aliquot sic dies sine metu insidiarum et latentis gravioris morbi tranfigerunt; dein gravi tussi corripiebantur, ubi nihil nisi phlegmata aquosa cum summo nisu rejiciebant, et, sicuti in tussi ferina, clangor sub inspirationis momento adest, sic in hac tussi peregrinus sonus sub expiratione se manifestabat. Huic tussi se sociabat febris continua, cum majore difficultate respirandi, quae indies aucta, tandem in asthma suffocativum transibat,

Vid. act. nov. nat. curios. tom. 2. p. 157. observ. 41.
Dr D. Caroli Augusti a Bergen, de morbo truculento infantum Francfurti et in vicinia grassante.

14 DE CYNANCHE STRIDULA.

transibat, ita ut infantes, ex defectu aeris, suffocarentur; quod symptomata coloris plumbei in facie, frigoris in externis membris, et febris ac caloris imminutio comprobabant, fere ut fieri videmus in illis, qui hydrope pericardii et pectoris moriuntur. Hanc tristem experientiam in propria filia septenni feci, in qua hoc singulare simul se obtulit phaenomenon, quod duodecim circiter horis ante mortem tussi et scretu rejecerit tubulum membranaceum. Hunc tubum judico esse portionem membranae tubulosae per ramos bronchiorum durante morbo generatae, quod figura conica ejus, et ipsi inhaerentia vascula sanguinea declarare videntur: Cylindricus vero oesophagi tubus, hujus membranae sedes esse non potuit. Atque, cum semper de dolore pressorio ventriculi conquereretur, et vermes suspicarer colludentes, tubulum huncce exquisite perlustravi, et nihil inveni, quod cum structura vermis convenientiam ostenderit."

Hic idem morbus esse videtur ac strangulatio stridula, et rationes quae morbum antiquiorem esse probant, probant itidem Scotiae minime proprium: Apud veteres enim perfunctorie describuntur morbi strangulationi stridulae

stridulae simillimi. Hippocrates, de affectionibus gutturis et faucium differens, in suis prognosticis, sic loquitur: "Ex anginis, gravissimae sunt et celerrime interimunt, quae neque in faucibus, neque in cervice quidquam conspicuum faciunt;" et descriptio eatenus cum nostra congruit. Coelius Aurelianus eundem fortasse in mente morbum habet: " * Gravatur, inquit ille, asthma, atque premit magis mulieribus viros, et juvenibus senes, atque pueros, et durioribus natura corporibus teneriora, hiberno atque nocte magis, quam die et aestate: In quibusdam ex initio generatur; in quibusdam perfectis irruit passionibus; sed magis ex profundo frigore sequitur patientis spirationis difficultas, et frequenter natura celerior magis quam tarda." Hic vero Aurelianus in sua narratione haud omnino cum seipso consentit; "gravatur autem magis mulieribus viros," ait ille vir; postea vero addidit, hoc asthma "teneriora corpora magis durioribus premere;" quod, si reapse morbus de quo narrat idem sit cum nostro, verum est: Neutiquam tamen cum parte narrationis priori convenit. Catarrhus suffocativus Etmulleri in quibusdam cum suffo-

* Chronion. lib. 3. cap. 1.

focatione stridula congruit; in aliis vero differt: Meadius, inter tres anginae species, quas recensuit, ponit strangulationem faucium, et de hac refert, “ Nervis omnibus convulsione distentis, aeger subito concidit mortuus.”

DR STARR * morbum infantes interficientem descripsit, et cui nomen dedit *morbi strangulatorii*. Cornwalliae comitatum infestare, secundum illius opinionem, in anno Christi 1744 coepit, multasque strages fecit; signa pathognomonica sunt tussis brevis, (*hecking cough*), et respiratio difficilis, sonora, atque strangulatoria.

Quod expuitur, est gelatini confimile cum materie alba et opaca, et filis quasi commistum; nec multum discrepat a sacculo putrido et membranaceo, et partim reapse est membranaea, ex tunica mucosa laryngis atque asperae arteriae conflata, cui adhaeret magna viscidae materiei copia, visci adinstar.

IN Hybernia † morbum certe eundem invenimus infantes trucidantem, quem Dr Molloy apud D. Rutty denarravit, et cum superiore omnino

* Vide Philosophical Transact. No. 495.

† Vid. Rutty's history of the weather, p. 110.

omnino convenit, in illis symptomatis, quae diagnostica censentur, in respiratione nempe quae est difficilis atque sonora; et in vi lethifera, nam saepissime ex improvise aegrum enecat; in materie exspuita; in his quos aggreditur; et postremo in sede morbi, quam Dr Molloy in glottide et aspera arteria posuit; nulla adest deglutiendi difficultas, nec interne nec externe ullus tumor apparet; rubent vero glottis, et partes vicinae.

DR RUSSEL, in sua oeconomia naturae, morbum designat inter infantes grassantem a secundo ad octavum aut decimum aetatis annum, sed praecipue juniores laceffere solet. Porro addidit, " Fluxio nullas non tracheae glandulas occupat, ita ut universa fistula pulmonalis inflammatione tentetur. Nullus tumor in externis apparet; at, si fauces intus intuearis, in posteriore palati parte, et in epiglottide, rubor percipitur; glandulae inflammatae, siccae, mucoque fecernendo parum aptae, reperiuntur. In his etiam tonsillae nonnunquam afficiuntur, et ulcuscula quaedam serpentina laryngem cingunt, et vocem impediunt. Febris quoque oritur; quae

C

quan-

quanquam remissionum tempora fatis libera
 habeat, tamen singulis accessionibus respira-
 tio crebra difficilisque urget, ita ut infans non
 nisi recta cervice spiritum ducere, et vix lecto
 se continere possit; nonnunquam etiam surge-
 re coactus sit: Sonum inter vagitus raucum
 edit; et stridulum quoque clangosumque
 aliquando spiritum intus ducit." Et per to-
 tam hanc narrationem summa apparet conve-
 nientia cum cynanche stridula; si ullum adsit
 discrimen, oritur solummodo forte ex mor-
 bo eodem graviori autem, vel ex quibusdam
 in climate, vel in solo, corpus disponentibus
 ulceribus facilius affici; et accidit in regioni-
 bus calidis praecipue. Sed annon necne, de-
 scriptiones illae utpote iidem morbi una cum
 cynanche stridula considerandae sunt? vix ta-
 men credendum est, posteriorem solum pau-
 culos abhinc annos enasci: Nam, si in memo-
 ria teneamus illos, quos saepius adoritur, quo-
 rum morbos, quamvis perbene callemus, ta-
 men iudicium hic est difficile; narrationem vix
 enim queant proferre claram, et, quum opti-
 me proferunt, haud raro equidem manca est:
 Praeterea, morbus ipse ex sua natura indicium
 quodvis praecipit clam invadendo, et absque
 multa

multa aegritudine, et propter magnam inter illum et catarrhum, aliosque gutturis affectus, similitudinem; nam facile inde oriri potest error. Ob has causas, tum solas, tamdiu oblitescere a nostro inspectu potuit. Restat adhuc altera, nec minoris momenti illis jam supradictis, rarius nempe in magnis urbibus, saepissime in vicis rusticis, offenditur, qui olim observantia praeditis carebant. Quod Horatius de illis heroibus cecinit, qui ante bella Trojana vixerunt, et quorum fortia facta jacuerunt, de morbis nonnullis apte praedicari potest, quorum historias nunquam accepimus propter bonorum medicorum inopiam,

*Vixere fortes, ante Agamemnona
Multi; sed omnes illachrymabiles
Urgentur, ignotique longa
Nocte, carent quia vate sacro.*

DENIQUE, ii, qui novorum morborum nomen merentur, ut variola et morbilli, sunt contagiosi, et per contagium in omnibus regionibus, et omni tempestate, disseminari queant.

Diagnostica in hoc morbo haud clara sunt;
et

et facile decipi possumus, quoniam tam magna est inter morborum gutturis similitudo: A cynanche, uti Culleno definita, distinguenda est, faucium ruboris absentia, et deglutitione parum laesa: In Graecorum cynanche vera, dolor exoritur inter deglutiendum; nullus tamen tumore, vel rubor, explorandus est fauces inspiciendo; et valde consimiles esse videntur strangulatio faucium et cynanche supradicta. In illa vero glottis et epiglottis gravius affliguntur; indeque dolor inter deglutiendum, propter ascensum et descensum laryngis. In peripneumonia et pleuritide, doloris situs, cum tussi humida, et saepe cruenta, morbum distinguit, cum tot annos habet aeger, quot sufficiunt ut molestiam suam denarret: Quando teneriori est aetate, difficilior fit diagnosi. In peripneumonia citius forsitan apparet faciei rubor, qui non semper adest in suffocatione stridula, sonusque singularis quem edit infans, dum flet, et interdum per respirationem totam, laryngem laborare designat.

In hoc morbo capiti aegri periculum semper imminet; quia clam et velociter progreditur: Mortem enim saepe affert, antequam infans morbo laborare gravi animadversus fuit; et,
quum

quum leniter aggrediatur, quantum observare valemus, ex improvise tamen, priusquam adstantes tale expectant, mors ingruit : Stadium primum vel illud inflammationis transit aliquando minime detectum, et quando eo invaluit morbus antequam aegro succurritur, in magno periculo versatur. Sed, cum mature auxilium petatur, morbo adhuc in herba existente, nec multum opprimitur respiratio, nec valde laboriosa, nec citissima, et si articularum ictus potius fortis sit quam debilis, et vox strideat tantum, cum magnum molimen efficiatur, sicut in tussiendo vel flendo, exitum felicem auspicari liceat, etiamsi semper in incerto est. Post diem tertium vel quartum, quo tempore vel citius membranam adesse suspicandum est, si respiratio velox sit et difficile peragatur, si pulsus vacillet, et facies rubore suffundatur, si aeger inquietudine et anxietate opprimatur, etsi fortiter minime, sed interrupte modo tussiat, non datur bonum expectare eventum : Quod si fortior deveniat tussis, et materies ejiciatur, et pulsus, quamvis frequens, sit fortis, et respiratio facilius conficiatur, vel si aeger mem-

brana

brana cum symptomatum levamine exspuat, valetudo fortasse cito aderit.

Hujus morbi principia in duo genera differtiri possunt; vel, prout in systemate ipso humano adsint, originemque morbo praebeant; vel, prout externe agant, et morbum in illis, qui feminia habeant, excitant. Antea jam observatum fuit, cynanchen stridulam quandam praecipue invadere aetatem, nempe ab anno primo aetatis ad duodecimum, haud saepe postea: Haec feminia in infantibus adaugent potissimum variolae, rubeola, catarrhus, et pertussis. Omnes hi morbi respirationis organa afficiunt; et quadantenus catarrhi consimilis esse videtur cynanche stridula, praecipue illius qui nomen audit *suffocativi*, utriusque morbi partes ferme easdem usurpant, et eadem anni tempestate adoriuntur. Quare infantes infestat cynanche stridula potissimum, difficile est dictu: Hoc ex muco in illorum corporibus superabundanti pendere, anceps est; mucum in sanguine, et partem hujus fluidi efficere, adesse, ex scriptis Illustrissimi Senac et De Haen manifestum apparet; Mucilago vero haecce multum a lymphâ, vel parte coagulabili sanguinis, distat; lymphâ

pha enim, vel in vivis animalibus, necessariis conditionibus concessis, scilicet effusione, quiete, superficie scabra sicut in vulneribus, &c. in coagulum abit : Porro, * igni subjecta, “ in speciem gummi fragilem et friabilem convertitur, neque solubilem, ut summam denique duritatem acquirat, et cogitur etiam alcohole, acidisque liquoribus. † Mucilago, e contrario, facile cum aqua miscetur, inque ea prompte diluitur, et penitus odore caret saporeque ; neque etiam igne, neque ulla stillatitiorum liquorum, etiam acidissimorum, violentia cogitur ; neque in albumen abit, sicut pars lymphatica feri.” Exinde apparet, mucum et lympham multum inter se differre : Praeterea, si etiam mucum in systematis infantilibus scattere probatum fuisset, haud illico sequitur causam esse morbi ; nam in membranulas transire minime ‡ pronus est, et cito in aqua evanescit. Nec omnino assentiri possumus mucilaginem in hoc morbo posse in pus degenerare ; A putredine adeo aliena muci natura est, ut integro anno conservatus absque foetore

* Haller. Physiol. t. 2. p. 129.

† Ibid. t. 2. p. 361.

‡ Ibid. t. 2. p. 134.

tore manferit *. Et hac de caufa hanc opinionem faltem improbabilem effe, credere impellimur; fimulque ne quidem aliter fentire datur, quin membrana interiorem tracheae faciem inveftiens ex lymphâ effufa proveniat, et pus ibi repertum, ut ex eadem fcaturigine nonnihil folummodo in aqua diffufa enafcatur. Et res ita effe, comprobatum eunt Pringelii, Gaberi aliorumque experimenta, quibus conftat vel extra corpus pus produci poffe. Quamprimum haec eveniat tranfmutatio, dotes fuas ftatim amittit lymphâ†: “Exuit enim omnino naturam fuam coagulabilem, ut neque ab igne, neque a vehemente acore, neque a ftillatitio vini liquore cogatur, et igne diffipetur penitus.” Quis forfitan denegabit corium pleuriticum, quod eft pars fanguinis lymphatica, in fanguine infantum ineffe. Jam vero cognitum eft, lympham fanguinis cujuscunque generis partem efficere, et in fanguine etiam ‡ infantibus cynanche ft ridula laborantibus detracto apparuit.

Lym-

* Senac tr. du cœur t. 2. p. 101. et Comment. Acad. Scient. Petrop. v. 14. p. 209.

† Haller. phyfiol. tom. 2 p. 132.

‡ Home on the Croup, page 10.

LYMPHAM magnam duritiem assequi, cum calori exponatur, dudum memoravimus : Quapropter facile est conceptu, quod, cum pars quaevis inflammatione tentetur, ibi augetur vasorum actio, et pro halitu fere emissio, effunditur pars lymphatica major, sic in trachea, ibique manet affixa, interea loci pars aquosa vel spiritu defletur, vel resorbeatur, vel in pulmones distillet; et illinc lympa fiat spissior, et ad concrescendum sibi induendum membranulae speciem apta, quae breviter firmitatem atque densitatem consequatur, ut cohaereat serum posthaec effusum, vel lympham cum aqua admixtam, quae, inter membranulam et tracheam stagnando, transit in pus; hocque in modo membrana ab adjacentibus partibus sejungitur: Nec necesse est ut ad opinionem celeb. De Haen confugiamus; sentit enim *puogeniam* in vasis ipsis contingere; quia absque ulcere conspicuo inventum fuit pus. At, quamvis nullum inveniatur ulcus, oriri potuit ex effusione et stagnatione feri in vesiculis ipsis pulmonalibus pus verum. A nostro tamen proposito alienum foret, an pus intra vasa nec ne formetur, anquirere. Sed, ut ad rem redeamus; compertum est quod

frigus mucī secretionem auget, uti caeteras internas secretiones; tale tamen mucī augmentum evenit vel in senibus. Restat igitur adhuc incertum, quod illud est infantes huic morbo subjiciens, praecipue cum phlogosi haud saepe sint obnoxii. Res haecce pendet tantum fortasse ex majori infantum systematis nervosi irritabilitate, vagiendo frequenter adaucta, quo trachea et larynx vehementius afficiuntur, et frigori inter respirandum objacentes, facilius inflammatione corripī possunt. Frigus cum humore conjunctum morbum facere potissimum censetur, et hoc accidit saepissime apud oras maritimas, agrosque humiles et madidos.

Causa cynanches stridulae trachealis membranae inflammatio est forte, et musculorum laryngis, vel proprie affectorum, vel ex consensu ob tracheam contiguam ad actionem intensiorem laceffitorum. Vix enim probabile est has partes semper inflammatione tangi; nam deglutitio difficilis raro tantum comitatur; haec autem aegre perficitur functio, et cum magno dolore, cum inflammetur larynx. Rationes, ob quas dubitamus an membrana plerumque post sectionem inventa causa sit morbi, jamdudum protulimus, neutiquam audacter quasi decretorias, modo vero quasi probabiles.

biles. Haec membrana mortis causa certe evadat, laryngis iter angustando, quo superveniant symptomata peripneumoniaca; cum cadavera attamen lustrentur, pulmones illaesi maxima ex parte cernuntur.

UT aegris facilius feliciusque medeamur, ponendae quaedam sunt intentiones, quibus expletis, praecaveatur ne lethiferae oriantur sequelae, quibus anam praebeat membrana de qua jam diximus, vel ne, propter inflammationem tracheae, excitetur paroxysmus spasmodicus laryngis, quae subito aegrum praefocet. Hoc enim facile eveniat quamvis, cadavere inspecto, partes haud reperiuntur spasmodice affectae; nec expectandum est, ut talis conditio post mortem inveniretur; nunc enim jacet vis animalis et nervosa quae actionem musculorum fovet, suscitaturque, et sine qua nulla contingit musculorum contractio. In talibus casibus summo jure Celso assentiendum est: ‘ Neque quidquam est stultius quam quaele quod vivo homine est, tale existimare esse moriente, immo jam mortuo.’

IMPRIMIS tum consilium est nostri, ut foveatur diathesis phlogistica.

SECUNDO, suffocationem praecavere.

AD

Ad primam intentionem explendam, flagitanda est V. S. quae in hac, sicut in omnibus inflammationibus, in principio morbi cito et libere celebranda est. Dr Millar phlebotomiam forte acrius reprehendit, dum cynanchen stridulam nimis arcte quasi generis nervosi affectionem ducit. Dixit enim sanguinis de tractionem parvam duntaxat comparare intercapedinem, paroxysmum autem viribus redire majoribus; porro addidit: ‘That, when
 ‘even a small quantity of blood was taken,
 ‘the effect of other medicines was neither so
 ‘immediate nor certain. Finding, therefore,
 ‘that no benefit could be reasonably expected
 ‘from a remedy, which, under the appearance
 ‘of mitigating the violence of the symptoms,
 ‘had, upon the whole, a tendency to aggravate
 ‘the disease, it was in the sequel intirely laid
 ‘aside.’ Sed difficile est distingui, in his casibus, ubi Dr Millar existimabat venaesectionem nocuisse, an culpa esset remedii, an morbi. Cum autem cadavera lustrata clare ostendant morbum de genere phlogistico esse, et cum febris adsit saepius cum pulsu veloci et nonnunquam duro quae sectiones patefaciunt, confirmat. Praeceptor noster clar. Homius diserte
 venaesectionem

DE CYNANCHE STRIDULA. 29

venaesectionem laudat in stadio morbi inflammatorio, cujus haec sunt verba: ‘ Bleeding
‘ appears to have been attended with imme-
‘ diate good effects, and to be a powerful re-
‘ medy in this situation. This ought to be
‘ done expeditiously and plentifully, while the
‘ pulse will allow it. It is best to take blood
‘ at first with the lancet, so that a sufficient
‘ quantity may soon be drawn off; and af-
‘ terwards by leeches, applied to the upper
‘ and fore part of the throat.’ Si forte hi-
rudines frequentes gutturi applicatae essent,
ne tanta venaeesectionis necessitas fuisset, praefertim in tenellis atque junioribus, et quando aeger provectior sit, cucurbitula cum ferro valde prodesse potuit; in angina hoc laudat Celsus, ‘ Cucurbitula quoque, inquit ille, recte
‘ et sub mento et circa fauces admovetur; ut
‘ id, quod strangulat, evocet.’ Laudant nonnulli venam jugularem secare; quod inflammationem minuit, et praeterquam levamen parat, turgescientiam in systemate capitis venoso adimendo, quod insequi solet, post sanguinis circulationem in pulmonibus impeditam; et ex hoc fortasse efficitur, ut nullum aeger sentiat dolorem, sana adhuc mente, quod
in

in peripneumonia accidit nonnunquam, in qua, dum in maximo periculo versantur ægri, de nihilo tamen queruntur; Porro, hæcce congestio venosa multum conducat ad spasmum excitandum, quoniam muscoli laryngis multum præ cæteris talem conditionem suscipere prædisponuntur.

SANGUINE qui sufficiat detracto: Alvus proxime solvenda est, quod enixius tentare debemus, cum sæpius adstrictior esse videtur: Hoc semper absolvere possumus tutissime clysmatibus: Nam pleraque medicamenta, alvum cientia, infantes inquietant, et, ut vagiant, faciunt, quod haud commodum est in morbi principio. Veruntamen, si illos persuadere possumus laxantia propinare, facilius fortasse hoc consequemur cremorem tartari in fero lactis solutum et edulcatum adhibendo; et cum eodem consilio Clar. Homius magnesium in tabellas cum saccharo confectam præscribit. Volunt aliqui ut purgantia externe corpori adhibeantur; Illa, si vero fortiora sint, systema nervosum stimulant, aequè ac cum ore assumantur. Praeterea, remedium sic adhibitum anceps est tantum, quum ex vi absorbenti pendet, quae vel fortior vel debilior sit; cum vero purgantia in alvum per os, vel per anum accepta, vim suam

suam infumere in ipsum tubum intestinalem
 queant. Nuperrime nihil efficacius in inflam-
 mationes internas domando expertum fuit,
 quam vesicantium usus : Olim acrius oppug-
 nabatur; nunc autem Pringelius, omni laude
 cumulandus, vesicantium usum comprobavit :
 Quoniam hirudines affigi gutturi antea prae-
 cepimus, postquam sanguinis copiaeducta
 fuit, vel hac vel alia via, haud multo post, ut
 vesicatorium applicetur, volui, et ne stranguria
 induceretur ob cantharidum particulas, quae
 per morsus hirudinum facillime in corpus in-
 trare possint, et vel ne, vesicante semoto, ibi
 maneant, carbasi, *gauze*, portionem praestabit
 inter cutem et vesicatorium ponere. Post
 vasorum exinanitionem, vesicatorium forsi-
 tan optimum est remedium quo uti possumus,
 siue morbus sit spasmodicus, siue inflamma-
 torius; et nihil ex observatu melius tuetur et
 infantes conservat sanos a morbo, vesicante.
 Aliqui adhuc, persistente inflammatione, emetica
 laudibus extulerunt : Clar. Homius vero au-
 tumat, se nunquam illa vidisse proficua; e con-
 trario, suspicatur potius nocere, muci secre-
 tionem in pulmonibus incitando, absque illam
 expellendo, “ which is, says he, the very cir-
 cumstance

cumstance that, if possible, we ought to guard against :” Sed si secretio etiam mucī augeatur emeticis, attamen in principio morbi, cum tantum periculi aegro ex membranae ortu conflatur, emetica adhibere utile sit, quo impediamus, ne oriatur; nam si emetica ad membranam expellendam profint, certe etiam proderunt ad expromendam materiem ex qua conficitur membrana ; aliter fieri non potest, quin plus minus expromptus erit ob inspirationem solito grandiore inter nauseandum, et vehementiorem expirationem quae inter vomendum contingit. Theoriae vero obfistit experientia, et emetica utilia esse confirmat, quamvis, dum quae geruntur in vomitione si consideremus, aliter esse videretur, quum in quoque molimine vel tussendi, vel vomendi, vel flendi, partes quas occupat morbus agere impelluntur; hos autem vanos terrores discussit experientia. Supra notavimus cynanchen stridulam maxime grassari in orientalibus locis *Perth-shire*, vel in illo terrae tractu *Carse of Gowrie* vocato; et hic ea est praxis, ut in primo morbi insultu emetica adhibeantur, et quandocunque morbus nocte gravius derepente adoriatur, et quoque ante sanguinem missum, vel alvi subductionem, et tuto, optimoque

moque cum fucceſſu; pauci enim infantes morbo interficiuntur, quibus tempeſtive adhibita fuerunt emetica. Curationem hujus morbi vomitu confirmat Tournefort *, cum loquatur de morbo in Oriente, cui nomen dedit Peſtes Infantum; eſt enim, ut ille dixiſſet, apud imum gutturis carbunculus: Cum adoriatur, quamprimum adhibendum eſt emeticum, et etiam repetendum. Qualiſqualis ſit operandi modus, ex optima tamen auctoritate certior factus ſum, hanc curationem felicem, nec periculoſam, eſſe. Cognoviſcimus emetica, ante intermittentis paroxyſmum data, acceſſum illius arcere, et vehementis pertuſſis vomitione finiri inſultus: Medicamentum, quo fere utuntur loci ſupra memorati incolae, eſt ipecacuanha ingrata; et inde vix illam deglutient infantes; quare tartarum emeticum antepondere volui; qui, cum ſapore et odore ferme careat, facilius adhibetur: Porro, vel poſtquam vomitio pleno rivo excitata fuiſſet, operae pretium foret, hoc remedio in doſibus ſolum nauſeam moventibus uti, qua via tanquam diaphoreticum ageret; ad quod conſilium ſudori-

E feris

* Vid. Tournefort's voyage into the Levant, Vol. I. p. 181.

feris stimulantibus, ut calefacientibus, anteferendus est. Et jam observatu dignum est, posse magnum commodum ex sudore sic alato provenire; quandoquidem frigus secretionem muci magnopere auget, qua morbum graviores reddat. Etmüller *, dum de asthmate infantum, quod nonnulli cynanches stridulae affimilavere, vomitum laudat, quo provocato, infantes liberantur. Ad eandem intentionem, qua tartarum emeticum aegro praebere volui, absolvendam, alia lenia sudorifera, ut vinum emeticum, in parvis dosibus, salia neutra adhibere possumus.

PRAETER haec remedia ad febrem debellandam apta, et, si fieri possit, ut membranae ortus praecaveatur, pediluvio uti liceat, una cum tepidis diluentibus, ut victu tenui, praesertim ex panada, decoctis avenae, hordei, &c. Quod ad victum pertineat, Meadius, dum loquitur de curatione strangulationis faucium, qui morbus haud multum absimilis a nostro videtur, haec dicit: "Neque etiam inutilis est abstinentia, moderatio nimirum in cibo et potu." Fomenta pariter ad fauces externas ad-

* Dissert. x. de valetudinario infant. p. 125. tom. 2.

admoveri possint, prout occasio praebeatur. Celsus spongiarum in oleum calidum demissas laudat: “Admovere, ait ille, spongiarum oportet, quae melius in calidum oleum, quam in calidam aquam, subinde demittuntur.” Sed cum tale applicetur, cavendum est, ne caloris gradus sit nimis magnus: Oleum fortasse, cum caloris tenacius sit, aqua hanc ob causam nonnunquam anteferre debemus; nam haud necesse erit tam saepe, cum oleum adhibeatur, fomenta renovare, quam cum aqua.

VAPOR ex aqua calida cum aceto commista exhalans utilis est, cum eo uti possimus.

POST quoddam tempus supervenit suppuratio; et tunc evacuantes, sicut venaesectio, purgatio, &c. repudienda sunt, et emetica forsitan jam optima reperientur expectorantia.

II. SUFFOCATIONEM praecavere.

SÆPIUS in discrimine esse potest aeger, ne juguletur, vel ob spasmodicam laryngis affectionem, vel ob membranae praegrande incrementum. Cum suffocatio ob spasmus imminet, tum ex antispasmodicis auxilium petere fas sit; cum paroxysmus talis inopinato ingruat, et nec dolor, nec febris, nec alia mor-

bi symptomata praeivere, ad hoc confilium, moschum magnis in dosibus extulit Dr Miliar; “ which,” secundum illius sententiam, “ proved anodyne and diaphoretic; the spasms “ were allayed; a gentle moisture was univer- “ sally diffused over the whole body,” &c.

Post haec tamen de moschi impotentia queritur; ecce verba sua: “ The disease was sometimes so violent at the first attack, and the transition to the second stage so rapid, that it required a medicine which should operate more immediately and powerfully than musk had usually done. For this purpose, assafoetida was prescribed, and with so good effect, that, in my latter practice, it has in a great measure superseded the use of musk. An ounce of this gum has sometimes been taken by a child of eighteen months, in the space of forty eight hours, and almost as much at the same time injected in clysters; allowance being made for the residue of the gum, which is lost in making the solution. The following is the form in which the assafoetida was commonly prescribed.

R. Gum

R. Gummi affafoetida, ʒii.

Spiritus mindeneri, ʒi.

Aq. pulegii, ʒiii. F. S. S. A.

“A table spoonful of this mixture was given every half hour. If the child was very young, or delicate, a smaller quantity was ordered; but, if strong, and of more years, two spoonfuls, or even a larger quantity, was given; but this large dose was not persisted in, if it occasioned much vomiting or purging, and was always diminished when the most urgent symptoms were removed.”

NE ingenium hujusce remedii usui ejus scrupulos injiceret, dixit porro: “However nauseous it may seem to be, children seldom refuse it; and, even when they have some aversion to it, if they are obliged to take it, they soon acquire a taste for it, and not only use it without reluctance, but with pleasure. But, in order to guard against every accident, at the same time that it was prescribed internally, an affafoetida clyster was ordered to be injected every eight hours, till the paroxysms became more moderate.”

SED,

SED, cum vir ille cynanchen stridulam omnino quasi generis nervosi affectionem ducat, et cum tam cito decurrat morbus, vix nobis saltem patet, quare non statim ad opium confugiebat, qua maxime confidunt medici, summa cognitione praediti, in spasms domandis; et nos etiam, ne creduli atque improvidi haberemur, dubitare oportet, an affecta Dr Millar relata, vere gigneret assafoetida: Adidit enim insuper, in alio loco: * “ To prevent a return of the paroxysms, a blister was put between the shoulders; emollient fomentations were directed for the stomach and belly; anodyne liniments were rubbed on these parts, and applied externally to the fauces and throat.” Porro, fortasse venaesectionem rejecit Dr Millar, antequam omnes suas vires expertus fuit; ne verbum enim dixit unquam de topico usu hujus remedii. Omnium opprobriorum, quibus venaesectionem memordit, ingratis, confitetur tamen sanguinem missum esse, ut symptomata gravissima compescerentur; et quodammodo † huic intentioni respondebat. Quod si morbus omnino nervosus fuisset, pro symptomatum alleviatione, pejora extemplo fieri probabile est,

et

* Vid. observations on the asthma, p. 39. † Ib. p. 40.

et si venaesectio iterata esset, optima fortasse protulisset effecta.

PRÆTER venaesectionem, antispasmodica, fomenta, &c. quum atrociter saeviat paroxysmus hoc temporis puncto, quid valeant emetica tentandum est. De illorum bono successu jam diximus.

Si perflaret paroxysmus cum violentia, et strangulationis periculo, ex coarctatione glottidis, vel magnitudine membranae tracheam obturantis exoriente, bronchotomia proposita fuit; et confici posse feliciter verisimile videtur, cum respirationem resciceret. Quod si membranula per vulnus inflictum tracheae extrahere conaremur, nisi sit parva atque ab omni cohaesione cum partibus vicinis libera, adeo ut cito extrahi potuisset; verendum est, ne, dum perficiatur operatio, quo tempore trachea et superne et inferne obstrueretur, fortasse penitus interpelleretur respiratio: Porro, parentes talem reformidant operationem, et nisi ex sententia res cederent, famae et medicorum et chirurgorum temeritatis notam inurerent. In ipsissimo morbi insultu praestare potuit bronchotomia, cum omnia alia experta fuissent incassum, et paroxysmus infanti mortem minitatur; per vulnus enim tubo introducto, respiratio perageretur, et rivulum
aeris

aeris avertendo a larynge, ut paroxysmus minus ad recurrendum idoneus esset, efficeret, omni ab inspiratione ortum ducenti irritatione sublata; nec ducendum esset parvi, sanguinis ex parte profluvium, quibus evenire potuit ut membrana haud fieret; temere tamen hoc usurpandum est neutiquam.

Cum paroxysmi iterum iterumque recidivi facti fuerunt, laryngis constrictio spasmodica facile in consuetudinem transire potest; longe enim lateque dominatur in corpore humano consuetudo, adeo ut motus semel excitati, levissima data causa, citissime recrudescent, quamvis illorum principium amoveatur; quapropter, postquam evanuerunt phlogosis symptomata, et ex hoc fonte paroxysmi oriri videntur, cum summo commodo cortex Peruvianus adhiberi potest, qui non modo recursum obstat, verum etiam systemati nervoso robur affert; unde haud tam facile morbi principii afficitur: Cum vero infantes nimis tenera sint aetate saepissime, quo minus ore illum sumere queant, per clysmata adhibendus est, hoc prospecto simul, ut fluidi parva sit vis. Vel balneum frigidum parare possumus ex forti corticis decocto; vel aegro induatur subucula, inter cujus plicas confuitur pulvis corticis.